

Zhvillimet e reja në sektorin tatimor, Janar 2012

Instituti AL-TAX
Dokumente Fiskale
www.al-tax.org
altax@consultant.com
02/06/2012
Tiranë, Shqipëri

Sqarime për mënyrën e deklarimit dhe pagesës së tatimit mbi të ardhurat individuale, 2012

Dokument për njohjen e zbatimin e tatimit mbi të ardhurat individuale

Komente dhe sqarime mbi Ligjin “Tatimi mbi të ardhurat” në Shqipëri, SL12-01

Ky informacion mujor është përgatitur nga ekspertët e AL-TAX dhe do të pasohet nga dokumente të tjera, në serinë e përmbledhjeve tematike, me synimin që të kthehet në një burim diskutimi për gjithë ata që interesohen, ose kanë lidhje të pandashme me tatimet në zbatimin e praktikave të tyre.

Autorësia është i AL-TAX, dhe nga cdonjëri që do të përdorë këtë material, kërkohet të shënojë autorësinë si referencë në materialet që do të përdorë.

Dokumenti gjendet te faqja në internet www.al-tax.org

Nëse keni kërkesa dhe pyetje dërgojini te altax@consultant.com

I. Kush perfshihet, kush perjashtohet dhe deklarim me deshire

1. Detyrimi per deklarim perfshin të gjithë individët që **realizojnë te ardhura vjetore nga të gjitha burimet** në shumën totale **më shumë se 2.000.000 leke** (përfshirë individët rezidentë dhe jo rezidente më të ardhura brenda dhe jashtë territorit te Republikës se Shqipërisë).
2. Perjashtohen nga detyrimi per plotesimin dhe dorezimin e deklarates individuale të gjithë individët që realizojne të ardhura bruto vjetore nga të gjitha burimet në shumën totale **më pak se 2.000.000 leke**.
3. Deklarata vjetore e të ardhurave mund të plotësohet edhe nga persona të tjerë, që vendosin të bëjnë deklaraten, megjithëse nuk kanë detyrimin ligjor për këtë, per arsye se duan të përfitojnë nga skema e shpenzimeve të zbritshme.

II. Rregullat per njohjen e tatimit te paguar

4. **Diferenca midis totalit të të ardhurave bruto dhe shpenzimeve të zbritshme përbën të ardhurën e tatueshme të individit e cila tatohet me shkallën tatimore në fuqi 10 për qind.** Nëse diferenca është pozitive, deklaruesi, brenda 30 ditëve nga data e paraqitjes së deklarates vjetore të të ardhurave, bën pagesën e tatimit. Nëse diferenca është negative, administrata tatimore ia kthen deklaruesit shumën e taksave të paguara më tepër ose, me pëlqim të deklaruesit, kjo shumë mund të përlllogaritet si pagesë e kryer për vitin tatimor vijues
5. **Shumës së këtij tatimi, i zbriten tatimet e paguara gjatë periudhës tatimore të dokumentuara nga mbajtësi në burim i këtyre tatimeve.**
6. Për individët rezidentë fiskalë shqiptarë, që kanë realizuar të ardhura dhe janë taksuar për to jashtë Republikës se Shqipërisë në vende me të cilat Shqipëria ka nënshkruar marrëveshje për shmangien e taksimit të dyfishtë, tatimet e paguara të vërtetura nga autoritetet e këtyre vendeve, janë të zbritëshme.
7. Në rast se të ardhurat i kanë realizuar dhe u janë taksuar jashtë Republikës se Shqipërisë në vende me të cilat Shqipëria nuk ka nënshkruar marrëveshje për shmangien e taksimit të dyfishtë, tatimet e paguara nuk janë të zbritëshme.
8. Deklaruesit që kanë të ardhura vjetore prej të paktën 1 050 000 lekësh nuk përfitojnë nga e drejta e llogaritjes së shpenzimeve të zbritshme.

III. Te ardhurat qe jane objekt deklarimi

9. Te ardhurat bruto jane:
 - a) të ardhura bruto **nga paga apo shpërblimet nga marrëdhëniet e punësimit për individët dhe fitimi nga zhvillimi i veprimtarisë së biznesit të vogël**, që rezulton nga Deklarata e të Ardhurave Personale të Biznesit të Vogël për të vetëpunësuarit;
 - b) të ardhurat bruto **nga dividendi** për pjesëmarrje në shoqëri tregtare apo nga veprimtaritë e biznesit;
 - c) të ardhurat bruto **nga qiraja dhe fitimet kapitale nga shitja e pasurisë së paluajtshme**, në pronësi të deklaruesit;
 - d) të ardhurat bruto **nga interesa bankarë**;
 - e) **fitimi kapital neto**, i krijuar nga investimet në tituj apo në pasuri të paluajtshme;
 - f) **shuma bruto të fituara nga lotari apo lojëra të tjera të fatit**;
 - g) të ardhurat bruto **nga pasuria intelektuale, licencat, të drejtat ekskluzive dhe pasuri të tjera**, që përbëhen vetëm nga të drejta dhe që nuk kanë formë fizike;
 - h) **fitimi kapital nga dhurimi**;
 - i) të ardhura bruto **të realizuara jashtë territorit të Republikës së Shqipërisë**;
 - j) të ardhura bruto **të tjera**.

IV. Shpenzimet qe njihen si te zbritshme nga te ardhurat

10. Shpenzimet e zbritshme jane:

- a) **Kontributet vullnetare ne fondin e pensionit vullnetar dhe kontributet vullnetare te individit per jeten dhe shendetin, te derdhura nga vetë individi, si dhe pjesa e shpenzimeve për kontributet e sigurimeve shoqërore e shëndetësore.** Kufiri maksimal per lehtësi tatimore per kontributet vjetore eshte vlera me e vogel qe del nga krahasimi i shumes 200 000 leke/vit dhe 15 % te te ardhurave vjetore bruto te anetarit te fondit;
- b) **shuma e interesit bankar të kredisë së marrë për shkollim, për vete apo për fëmijët dhe personat në kujdestari;**
- c) **shpenzimet për mjekim, për vete apo për fëmijët dhe personat në kujdestari, për pjesën e pambuluar nga sigurimi i detyrueshëm shëndetësor, sipas përcaktimeve të rregulluara me vendim të Këshillit të Ministrave;**
- d) **Personat jorezidentë nuk përfitojnë nga e drejta e llogaritjes së shpenzimeve të zbritshme.**

11. **Detyrimi i parë për deklarimin e të ardhurave individuale vjetore, për vitin fiskal 2011 nga subjektet e parashikuara në këtë ligj duhet te behet jo me vone se data 30 shtator 2012.**

Për çdo të ardhur dhe shpenzim, të referuar në deklaratën vjetore të të ardhurave, tatimpaguesi që bën deklaratën mban kopje origjinale të dokumentit që provon të ardhurën apo shpenzimin e zbritshëm ose fotokopje të njësuar nga institucioni lëshues i dokumentit. Në rastin kur deklarata dorëzohet elektronikisht, dorazi apo me postë, skanime/fotokopje e këtyre dokumenteve i bashkëlidhen deklaratës vjetore të të ardhurave. Originali i tyre, në çdo rast, ruhet në përputhje me legjislacionin fiskal dhe vihet në dispozicion të administratës tatimore, kur kërkohet prej saj.

Drejtoresha

Aurela Gjokutaj

AL-Tax studio
altax@consultant.com
www.al-tax.org
Tirana, Albania